

sylvestre etiam genus est, quod deferentes ex montibus serunt, ut apud Sycionem fieri solet, atque etiam Athenis ex monte Hymetto: apud alios uero, ut in Thracia, montes, & plana omnia Serpylo secent. Peculiaris huic auctio germuinum: quippe cum in quantiuis longitudinis procedere ualeat, nactum scilicet adminiculum, aut iuxta sepes aliquas satum. Genera urbana reddere non est, ut retulimus: ferocia esse affirmant. Hoc enim in montibus, tum satureiatum quoddam, atque uehementissimum: tum gratum odore, molliusq; comperviri. Tempus serendi plurimum autumnus: hoc enim primum severe nimirum properant. hactenus Theophrastus. Ex cuius etiam uerbis satis perspicue colligi potest, duo esse *sylvestris* Serpylli genera. Quare et si palam unius tantum generis mentionem fecerit Dioscorides; duorum tamen obscurè meminisse potuit, cum inquit. *Sylvestre*, *Zygis* appellatio, non serpit, sed in altitudinem assurgit. Nam si unum tantum *sylvestris* Serpylli genus Dioscoridi nouum fuisse, ci sanè necessarium non erat addere *Zygis* cognomen differentiae causa. Satium radicibus quidem serpit, sed ramulis attollitur, amaraci modo, quemadmodum *sylvestris* altera species, que malum citreum olet. Proinde scite Plinius lib. x x. cap. x x i.

*Serpylli uires
ex Galeno.*

Nomina.

Σάμψυχον. SAMPSVCHVM.

CAP. XL.



SAMPSVCHVM in Cypro, & Cyziceno laudatissimum. Secundum sibi locum uendicauit Aegyptium. Amaracum gens Sicula, & Cyzicena appellat. Herba est ramosa, per terram repens: folijs eius calaminthe, quæ tenui folio constat, hirsutis, & rotundis. suauissimum odorem spirat: ideo coronis inseritur. Vis eius excalfaciens. Succus decocti potus, conuenit incipientibus hydropticis, & ijs quos urinæ difficultas, aut termina excruciant. Illita ex melle arida folia, fugillata tollunt: menses subdita in pessu trahunt: contra scorpionis ictum ex aceto, & sale illinuntur: luxatis, tumoribusque cerato excepta, imponuntur: aduersus oculorum inflammaciones, cum polline polentæ, illini prodest. Acopis, malagmatisque calfaciendi gratia commiscetur.

Cv'm superius libro primo in Sampsvchini unguenti com^amentatione, Sampsvchum, & Amaracum idem esse latius ofteniderim, et si Galenus, & Paulus diuersis capitibus Sampsvchi, & Amaraci meminerint, eadem hic repetere supernacaneum duxi: quod ea huic facile transferre possint ij, qui rem hanc se aliter for^atasse habere existimant. Sampsvchum in Italia Hetruscis vulgo appellatur Persa, quod forte illis è Persia fuerit allatum: ceteris uero inibi Maiorana, nomine à Latinis mutuato. Herba hæc tan tam cum mulieribus iniuit gratiam sui odoris iucunditate, ut nulle ferè reperiantur, quæ suis in hortis, aut fictilibus uasis Amara cum non ferant, uel plantas non transferant, ac diligentii admidū cultura foueant. Quo fit, ut putauerim ego, ex eo Maioranæ sibi nomen adiuuenisse, quod maiori cura, ac diligentia seratur, colaturq; quam ceteræ plantæ. Neq; id ea solium ratione, quod, ut paulo ante diximus, odore perquam iucundo commendetur; sed quod etiam perpetua uireat coma. Sampsvchi

*Sampsuchi co
sideratio.*

*Sampsuchi ui
res ex Gal.*

Nomina.

meminit Galenus libro VIII. simplicium medicamentorum, sic inquiens. Sampsvchum tenuum partium, & digerentis est facultatis: desiccat enim, & excalfacit ordine tertio. Id Græcis οάμψυχον, & αμάραχον, Latinis quoque Sampsvchum, Amaracus, & Maiorana uocatur: Arabibus, Merzenius, seu Morsangius: Italies, Maiorana, & Persa: Germanis, Meyeron, Maiorana, & Meyram: Hispanis, Maiorana: Gallis, Marone, & Mariolaine.

Μελιλωτος. MELILOTVS, SIVE SERTVLA CAMPANA.

C A P. X L I.

SERTVLA campana laudatissima in Attica, & Cyzico, & Chalcedone nata: cuius color uicinus est croco, boni odoris. Nascitur & in Campania circa Nolam, colore in luteum languescente, odore infirmo. Vim habet adstrictoriæ. Inflammationem omnē emollit, præsertim quæ in oculis, vul-

K ua,

ua, sede, aut testibus erumpat, si ex passo cocta illinatur: interdum autem addito oui luteo assato, aut sceni græci farina, lini semine, aut polline, aut capitulis papaueris, intybóue. Recentes meliceridas per se cum aqua, & ulcera manantia in capite illita cum creta Chia, vino, aut galla sanat: stomachi dolores, & cruda, & cocta cum aliquo ex antè dictis leuat: doloribus aurium mitigandis cruda ex passo instillatur: in acetō, aut rosaceo madefacta, capitis dolorem lenit.

Meliloti con sideratio.

Meliloti ui tes ex Gal.

Nomina.

P R O B A T I S S I M A, legitimaq; Melilotus non modò in pluribus Campanie locis; sed etiam Gargano Apula monte prouenit. Cuius semen in tenuibus corniculis inclusum nuper Venetias afferri cœpit. Quo factum est, ut iam cognoverint medici vulgaris usus Melilotum illegitimam esse, potiusq; lotum urbanam referre, cuius historiam libro quarto tradidit Dioscorides. Meliloti meminit Plinius lib. xxi. cap. ix. ubi ita scriptum reliquit. Ergo in coronamenta folio uenere apiastrum, meliloton, quod Sertulam campanam uocamus. Est enim in Campania Italæ laudatissima, Græcis in Sunito, mox Chalcidica, & Cretica, ubiunque uero asperis, & sylvestribus nata. Coronas ex hac antiquitus facilitatas, indicio est nomen Sertula, quod occupauit. Odor eius croco uicinus est, & flos. Ipsa cana placet, maxime folijs breuissimis, atque pinguisimis. Melilotum, ut Galenus memorie prodidit libro vi. simplicium medicamentorum, mīste facultatis est: habet enim quiddam adstringens, sed & digerit, & concoquit: copiosior enim in eo est substantia calida, quam frigida. hactenus Galenus. Ceterum neminem inuenio è Græcis auctoribus, qui explicauerit, que Meliloti pars in usum medicinæ recipiatur, an folia, aut radices, aut caulis, an flores, aut cornicula, aut semen. Quod tamen docuerunt Mauritan, præsertim Serapio, qui ex auctoritate Isaac Eben anram de Meliloti scribit in hunc sensu. Melilotus herba est, que folia fert rotunda, & uiridia: r amulos emittit admodum exiles, in quibus folia rara. Semen gerit in siliquis tenuibus, ac rotundis: que grana inclu dunt pauca, glauci coloris, rotunda, infra sinapis magnitudinem. Porro in melilotu usum sibi uendicarunt silique, & semina, que in eis continentur. **M**elilotos ita Græcē dicitur, ut Latinē Melilotus, & Sertula campana: Arabicē, Alchilemelich: Italicē, Meliloti: Hispanicē, Corona de rei.

Māgōv. **M A R V M.**

CAP. XLII.

M A R V M herba cognita uulgō, surculosa, flore origani, folijs multò candidioribus, flore o- doratiore. Vim habet sisymbrio consimilem: substringit enim, & modicè calfacit. Qua de causa illitu serpentia ulcera fistit, & in calidas illitiones additur. Iuxta Magnesiam, & Tralleis copiosissima gignitur.

Mari mentio ex Galeno.

Marum Italię pregrinum.

Nomina.

E T S I Galenus inter simplicia medicamenta nusquam, quod eisdem inuenierim, Mari meminerit; libro tamen primo de antidotis in Hedychoi compositione eius mentionem fecit, cum ita scribit. Alię hedychoi descriptiones reperiuntur, que neq; Amaracum, neq; Marum prorsus habent: quædam alterutrum tantum continent. Neq; enim duo hæc omnes noscunt unguentarij, eo quod herbas solim è Creta aduectas emant unam cum seminibus, atq; succis. Ego uero & easdem herbas seio in Asia nasci, & in alijs quidem regionibus raras esse, in Cyzico autem frequentes. In Italia quoq; ut & alijs quædam herbas, ita & Amaracum uidi, que odore multum à Maro superatur. Marum enim ualde redoleat, putaretq; aliquis sola nominis appellatione ductus, unguentum amaracinum, quod in Cyzico faciunt, amaraci plurimum capere, sicq; forsitan ab antiquis unguentum conficiebatur, sed nunc solim marū imponunt. Hanc herbam aliquoties cum ipse degustasse, ac eam amaram quidem plurimum, acrem uero parum deprehendisse, hortatus sum quendam eorum, qui Amaracum conficere solent, ut amaract tantum compositioni immitterent, quantū & mari. Ac mibi uisum est id unguentum minus quidem odoratum, nihil autem uiribus inferius. hæc Galeni uerba. Ex quibus palam est, Marum ab amaraco uiribus, & facie parum admodum dissidere, et si tuum amarius sit Marum, tum etiam odore fragrantius. Quapropter non planè eorum sententiam explodendam putarem, qui Marū amaracum illā esse arbitrantur, que maiore spirat odorem, maioremq; amaritudinem gustu præfert: queq; folijs uiret minusculis, candidioribus, & tenuioribus: unde non immerito à nostris in Hetruria uulgō cognominatur Persa gentile. Sampsum enim, siue Amaracum, inibi Persa uulgō uocari superius indicauimus. Cuius illud genus, quod folijs constat pinguiori bus, latioribus, uiridioribus, guatuq; acerioribus, minus tamen amaris, legitima omnibus Amaracus esse conetur. Illorum inquam sententiae firmè adstipularer, nisi eidem aduersari Galenus inueniretur: quippe qui loco citato testatus sit, se in Italia amaracum uidisse, nulla quod inibi Marum uiderit, facta mentione, sed tantum quod hoc in alijs ab Asia regionibus rarum oriatur. Hinc itaq; facile adducor, ut existimem Marum non nasci in Italia. Auget nobis opinionem Plinius, qui quasi Galeno subscriberet, Marum duxit esse rarum inuentu, & Italæ peregrinum. quare ipsum collocavit lib. xxi. cap. xxiiii. inter ea duntaxat odoramentorum genera, que ab externis regionibus in Italian conuehebantur, sic inquiens. In Aegypto nascitur & Maron petiu quæ Lydium, maioribus folijs, ac uarijs: illa brevia, ac minuta, & odorata. hæc Plinius. Ceterum non ob id eos errare crediderim, qui graciliorum amaracum Mari loco substituunt. Quandoquidem testatur Galenus, quod unguentum illud, in quo Amaracum pro Maro admisceri iubet, et si minus quidem odoratum uideretur; non tamen uiribus inefficacius erat. Quod Græci μάγον, Latini pariter Marum nominant.

A'NIVOS

A C I N V S.

C A P . X L I I I .

A C I N O S , aut aconos à Græcis dicitur, tenui, siccoque ramulo herba, ocimo similis, odorata, sed hirsutior: qua coronæ facit tantur. à nonnullis olitoribus colitur. Menses, & aluum pota fistit. Illita panos, ignemque sacram sanat.

Q U A N Q V A M sunt aliqui, qui Acinum eam ocimi speciem esse existimant, que angustioribus constat folijs, quæq; iucundum efflat odoreni, cuius gratia, atque etiam umbræ grata uirentis estiuo tempore paſim in fagulinis uasculis sicutur extra fenestras adiūcū, & in atrij, quam nos ob eius gracilitatem uulgò uocamus Basilico gentile; horum tamen opinioni apertissime refragatur Plinius lib. xxi. cap. xv. ubi Acinum scribit nunquam florere. Id quod minori ocimo non euenit: siquidem hoc aſtate, & autumno floret, floribusq; ornatur albis, ac odratis. Illud præterea illis etiam reclamat, quod idem Plinius scriptum reliquit lib. xxii. cap. xxviii. cum ait. Acinon & coronarum causa, & ciborum Aegyptijs serunt, eademq; erat, que ocimum, nisi hirsutior ramis, ac folijs effet, & admodum odorata. Ex his Plinius uerbis abunde palam fieri potest, Acinum non esse ocimum tenuifolium, cion hoc nec folia, nec caulem hirsuta proferat. Ceterum Manardus Frrariensis, vir acri ingenio, & præstanti doctrina, nil aliud Acinum putauit esse, quam herbam quandam, que in incultis prouenit locis, sed præcipue in agrorum, & uiarum aggeribus, ocimo hirsutior, ac satis suauiter olens. que quod ocimum admodum emuletur, à quibusdam sylvestre Ocimum appellatur. Quibus sane notis alias adduclus sum, ut Manardo prorsus assentendum putauerim. Sed cum postea animaduerterim, herbam hanc flores emittere contra Plinius autoritatem, nunc cogor mutare sententiam. Nec me pœnitit, quod nostra, aut aliorum diligentia futurum sperrem, ut de hac, & de alijs rebus dubijs quandoque certiora proferantur. Herba, que Græcis ανινος, Latinis item Acinus appellatur.

De Acino opinio quorūdam explosa.

Manardi opinio non accepta.

Nomina.

Baccharis. BACCHARIS.

C A P . X L I I I .



B A C C H A R I S herba fruticosa, quæ in coronas additur. cuius folia aspera sunt, media uiolæ, & uerbasci magnitudine: caulis angulosus, cubiti altitudinem petens, aliquantulum asper, non sine appendicibus adnatis: flore purpureo, subalbicante, odorato: radicibus ueratro nigro similibus, quibus odor inest cinnamomo proximus. Asperum, squalidumque solum amat. Radix in aqua decocta ruptis, uulsi, ex alto præcipitatis, spirandi difficultati, salutaris: item diuurnæ tuſi, & urinæ difficiili: menses pellit: contra serpentium morsus utilissimè datur in uino. Recens radix apposita partum extrahit. Puerperis eius decoctum in defensionibus prodest. In diapasmata utiliter inseritur iucundi odoris gratia. Folia, utpote quæ adstringant, capitis doloribus illitu profunt: oculorum inflammationibus, mammis tumetibus à partu, ægilio pectoribus, ignibusque sacris auxiliantur. Odor somnum gignit.

D V M E A M de Bacchari sententiam, quam superioribus annis lingua Italica expresseram, nunc demum his nostris Latinis commentarijs repetitam, excudendam tradidisse, confessus ingenuè me nusquam hactenus ueram Baccharim reperiſſe, aut ab alijs repartam uidisse; accedit interea temporis, ut eam ad me Roma miserit Andreas Lacuna Secobiensis, medicus hac nostra etate clarissimus. Cuius literas hic referre libet, quod cæ sint, que mihi maximum faciant argumentum humanitatis & benevolentie sue, atque etiam rei fidem addant. Literæ autem eius sunt ita ad me scriptæ. Et si nos eidem, cui tu, negotio illustrandi, locupletandiq; Dioscoridem nauemus aſcidiam operam, ob idq; no-

And. Lacunæ literæ.

bis ex uſu ſit hanc ad rem extorquere facultates alienas potius, quam diſipare noſtras; uolumus tamen tibi & amico, et de materia medica quam optimè merito communicare ueram Dioscoridis Baccharim, quam haud ita pridem in hisce Romanis agris reperiuit, quo posſis illam ad niuam formam expressam, in uſum brioniana ſalutis inſcrere tuis luculentissimis commentarijs, quos iam (ut fama eſt) primum Latinè scriptos edere iſtituitis. Eam itaque chartæ alligatam ad te mitto, adeo per omnia respondentem descriptioni Dioscoridis, ut in ipſa nulla nota poſſit deſiderari. Quippe folia eius ſunt aspera, media uiolæ & uerbasci magnitudine: caulis angulosus, cubiti altitudinem petens, aliquantulum

K 2 asper:

asper : radices nigro ueratro similes, quæ odore, & sapore imitantur exquisitissimum cinnamomum. Porrò flores, quos per inclemantium temporis nunc mittere ad te non licet, in nonnullis locis purpurei, in alijs lutei uisuntur : ita ut huius stirpis esse due species uideantur, uel si meminerit unius tantum Dioscorides. Postremò huius plantæ uires, & facultates sunt omnino eadem, quas suæ Bacchari diuus tribuit Dioscorides. Hic amicus literis suis finem impo-
suit. Sed certe illud mihi permirum acceſſit, quod eadem die, & seré hora, qua Baccharim Roma accepi, eandem Arimino ad me misit Iulius Moderatus diligentissimus pharmacopola, berbarumq; studiosus : id quod aperte testatur hortus eius apud herbarios Italiæ non vulgaris, ut qui sit uarijs ac nobilibus plantis refertus. Hanc sanè compri-
nullis prorsus reclamantibus notis, Dioscoridis Baccharim representare. Nam præterquam quod constaret, ut illa, folijs asperis, magnitudinem inter uiolam & uerbascum referentibus, caule angulosum, cubitali altitudine, aliquantum aſſero; habebat etiam in caule sua adnata folia, non coliculos. Hinc obiter ſuſpicor legendum eſſe ταχαφυλακίδιον, non παραφυλακίδιον, ut uulgati Græci codices habent : quandoquidem illi lectione adſtipulatur etiam Ori-
basij manu scriptus codex. Præterea flores, quibus illa carebat, huic in purpura candieabant, odorati. Eius deniq; radices erant ueratro nigro similes, & odore cinnamomo proxime. Huus igitur planta delineatione, quæ adamus-
sim historie Dioscoridis respondet, ut eius quoque effigies, quam pictam damus, affabre demonstrat, facile adducor,
ut affirmare non dubitem, hanc eſſe ueram, & legitimum Baccharim. Ceterum Leonicensus, & Brasauolus ip-
ſum fecutus, eam plantam magno errore putarunt Baccharim eſſe, quam quidam Scolaream, nonnulli uero. Matriſal-
uam appellant. Sed cum huius radices non fit ueratro nigro similes, neq; minimum quidem odore cinnamomum ini-
tentur, plane eorum ſententia improbanda uidetur : præſertim quod ueram Baccharim eam eſſe cenſeamus, de qua ſu-
perius diſcernimus. Non defuerunt etiam, qui crediderint, Baccharim Dioſcoridi accreuiſſe, caputq; hoc adulterium
eſſe, eo fortasse argumento, quod eam haſtenus inuenire non potuerint. quorum ſuſpicionem augere potuit Galenus :
quippe qui in ſimplicium censu de Bacchari quicquam, quod equidem legerim, memorie prodiderit. Vnde iſ in eam
ſententiam deuenerunt, ut Bacchari eadem eſſe cum aſaro certò putarent. Verum horum quoq; error iam omni-
bus euidentior factus eſt, quam ut hic à me explodi debeat. Neq; enim ea ſolam ratione prodiuit, quod pridem legi-
tima Baccharis reperta eſt ; sed etiam quod legitimum hoc Dioſcoridis caput eſſe comprobet Oribasius, in quo illud ex
Dioſcoride transcriptum legitur. Quinetiam idem conformat Paulus Aegineta, qui Baccharis meminit lib. vii. atque
ea ſcribit, que facile, ſi conſeruantur, Dioſcoridi accepta ferrentur : ſic enim inquit. Baccharis odorata eſt herba, odo-
re cinnamomo proxima, coronaria, acriſ. Huius radicis decoctum meatus obſtructos aperit, urinam, & menses ci-
tat. Folia ipſius, cum ſint adſtrigentia, fluxionibus opitulantur. Huic herbe nomen Græcum eſt Βάκχαρις,
Latinum quoque Baccharis.

Leonicensi, &
quorūdā opi-
reprobata.

Baccharis ui-
tres ex Paulo.

Nomina.

Πάγαρον.

R V T A.

C A P . X L V .



R V T A montana, ſylueſtrisque, ſatiua, & hortensi
aerior eſt, & in cibis damnata : ſatiua uero, quæ ſub ficu-
arbo enaſcitur, magis in cibos admittitur. Vtraque
urit, calſacit, exulcerat, urinam ciet, menstrua pellit,
aluum ſiſtit potu, ciboue. Lethalium medicamentorum
antidotum eſt, ſi ſeimen ex uino acetabuli mensura ebi-
batur. Folia per ſe præſumpta, aut cum nucibus iuglan-
dibus, aridisque ficiſ, ineflicaces uenenorum uires red-
dunt : contra ſerpentes ſimili modo ſumere conuenit.
Genitaram cibo, potuue extinguit : cum anetho ſiccо
decocta, tormina ſedat. Facit ad pectoris, laterumque
dolores, diſcultatem ſpirandi, tuſſes, pulmonis inflam-
mationem, coxendicum, articulorumque cruciatus, &
horrores febrium circuitu repetentes, pota, ut antè di-
ctum eſt. Item ad inflationes coli, vuluꝝ, reſtique in-
testini cum oleo decocta, & iuſſa. Feeminas vuluꝝ
ſtrangulatu liberat, ſi à genitali ſedētenus cum melle ſub-
iiciatur. Feruefacta ex oleo, & pota, uentris tinea excu-
tit : articularijs doloribus ex melle, aqua inter cutem
cum ficiſ illinitur : eſdem in potu auxiliatur, decocta
in uino ad dimidijs partes, & oblita. Cruda, conditaq;
cibo, uifus aciem excitat : dolores oculorum illita cuim
polenta lenit : doloribus capitis cum roſaceo, & aceto il-
lita, auxiliatur : proſtuentem naribus ſanguinem ſiſtit
trita, & indita. Testium inflammationibus cum laureis
folijs imposita, & eruptionibus papularum cum myrto,
& cerato prodeſt : cum pipere autem, uino, & nitro af-
fricta: albae uitiligini medetur : cum eisdem illita formi-
cationes tollit, & uerrucas, quæ thymi florē repræſentat.

contra

contra impetigines cum alumine, & melle utilissimè imponitur. Succus in mali punici calyce calfa-
ctus, aurum dolori efficaciter infunditur. Idem oculis, qui hebetudinem sensere, cum fœniculi suc-
co, ac melle inunctus, opitulatur. Ignem sacrum, ulcera quæ serpunt, aut in capite manant, cum a-
ceto, rosaceo, & cerussa illitus persanat. mansa allorum, ceparumque acrimoniam domat. Monta-
næ si copiosius est, interficit. Dum florem promit, & ad murias colligitur, cutem inflat, & ru-
bore quodam inficit, cum pruritu ac uehementi inflammatione. oportet itaque eam unctis antea ma-
nibus, & facie colligere. Tradunt succum gallinaceis pullis insparsum, feles arcere. Adiunctione eam,
quæ in Macedonia circa Haliacmon amnum prodeat, comedentes interimere. Montosus autem is
locus, uiperis scatet. Semen eius potum contra intestina uitia efficax est. In antidota commode addi-
tur. Contra incontinentiam urinæ tolsum semen septenis diebus potui datur. Radix huius monta-
num moly vocatur. Sylvestris ruta sativa similis est. Prodest comitialibus, & coxendicu[m] dolori-
bus: menstrua mouet, partus enecat. Acrior est uiribus, quam hortensis, & ualidior. Sylvestris, ut-
pote noxia, cibis abdicatur.

R V T A utraque planta est vulgaris notitiae, tam sativa inquam, quam sylvestris. Non tamen uelim de illa syl- Ruta confi-
uestri intelligas, de qua capite proximo differendum est, sed de ea tantum, cuius meminit Dioscorides in præsenti deratio.
capite, quamq[ue] in eius calce sativa similem fecit: siquidem hæc ab illa plurimum differt. Nascitur hæc sylvestris
Ruta in Goritiensi agro copiosissima, adeò ut qui circumstant montes, ea ubique seateant; præsertimq[ue] Saluati-
nus mons, qui eadem firmè uestitur. Facie hæc hortensi perquam similis est, graciliore tamen folio, & gustu a-
priori, amariori. Id quod Monachorum in Mesuem scribentium (pace tamen eorum dixerim) inceptijs prorsus Monachoru[m]
refragatur. quippe qui afferant nullam ferè esse differentiam inter hanc, & androsænum, sive hypericum, ut que in hallucinatio.
alterius locum substitui possint. Quia in re manifestè deprehenditur magna corum insectitia: quandoquidem hic (ut e-
quidem arbitror) in triplici uersantur errore. Primum quod existimauerint, turpi nimis lapsu, sylvestrem Ru-
tam ab androsæmo, & hyperico non disidere. Deinde quod putauerint hallucinati etiam, androsænum, & hype-
ricum unum & idem esse, cum tamen Dioscorides de his seorsum, tanquam de differentibus plantis tradiderit. Huc
tertius accedit error, & is quidem, mea sententia, detestandus, quod prodiderint, hanc sylvestris Ruta historianam
bis à Dioscoride descriptam reperiri, magnamq[ue] habere cum hyperico cognitionem. Quod potius somniasse, quam
libero sensuum iudicio scripsisse uidentur Monachi, cum non huius Ruta caput sit illud, in cuius fronte in qui-
busdam codicibus, ijsq[ue] non probatis, illa legantur, que doctissimorum testimonio hic ascititia, hyperici autem
propria censemur; sed quod proxime sequitur, in quo alterius sylvestris Ruta, quam alij Moly, alij Harmo-
lam, alij uero Besajan appellant, tractatur historia. Quare caueant pharmacopole, qui fortasse horum patrum scri-
pta sequuntur, ne una cœcutientes sepe ducantur in uarios errorum labyrinthos. Scrutur Ruta (ut author est
Plinius lib. XIX. cap. VIII.) fauonio, & ab æquinoctio autumni. Odit hyzem, & humorem, ac fumum. Apri-
cis gaudet, & siccis, terraq[ue] maxime lateritia: cinere uult nutriti, hic & semini miscetur, ut careat eruis. Sub
fici umbra libentius acquiescit. cuius rei causam suis in problematis reddidit Aristoteles. Muscela cum serpente di-
micatura, in murum uenatu Rutam prius edendo se munit, gnara hanc contra uenena pollere. Utuntur & ipsa hoc
nostro tempore ad cacodæmones depellendos, fortasse quod contra fascinationes eam commendauerit Aristoteles in
problematis. Planta Ruta mirabilis magnitudinis uisa est (Flavo Iosepho auctore) Macherunti, quod olim fuit mu-
nitissimum Iudeæ oppidum. Is enim lib. XI. cap. x x v. de bello Iudaico ita scriptū reliquit. Erat autem in ipsa regia
Ruta mirabilis magnitudinis: à nulla enim sicut uel celitudine, uel magnitudine uinebatur. Ferebant autem eam ex
Herodis temporibus perseuerasse: mansissetq[ue] ulterius profecto, sed à Iudeis, qui locum ceperunt, excisa est. Ru-
ta sylvestris, & sativa meminit Galenus lib. VIII. simplicium medicamentorum, sic inquiens. Ruta agrestis ex
quarto est ordine excalcentium: domestica uero ex tertio. Est autem non solum gustu acri; sed & amaro. Ex
quo etiam sane digerere, atq[ue] incidere crassos, lentoq[ue] humores potest. Ob eandem uim & urinas mouet. Quin &
tenuum est partium, flatusq[ue] extinguit. Quare ad inflationes competit, ac ueneris appetitum cobibet: digeritq[ue], at-
que exiceat strenue. Est enim eorum ex numero medicamentorum, que ualenter desiccant. Porro quod superius
Moly, & Besajan nominari diximus, & ipsum utique fuerit ruta sylvestris. Γύανος Græcis herba est, que La-
tinis, pariter & Italisch Ruta nominatur: Mauritanis, Sadeb, seu Sedab: Germanis, Raut, & Ruein raut: Hispanis,
Arruda: Gallis, Rue.

Monachoru[m]
hallucinatio.Ruta uites
ex Galeno.

Nomina.

Γύανος γειον. RUTA SYLVESTRIS.

CAP. XLVI.

V O C A T etiam sylvestrem Rutam, quod in Cappadocia, & Galatia Asia finitima moly
dicitur. Frutex est, qui ab una radice multos emittit cauliculos: folijs multo, quam alterius rutæ lon-
gioribus, tenoribusque, odore graui: flore candido: capitulis in cacumine paulo maiori bus, quam
satia rutæ, uæ tribus maximè partibus constant: in quibus triangulum semen, subrufum, gustu a-
marum reclutitur. cuius est usus. Semen autumno maturescit. quod cum melle, vino, croco, & fœ-
niculi succo, & gallinaceo felle, teritur contra retusam oculorum aciem. Sunt qui eam harmalam uen-
cent, Syri besajan: qui Cappadociam incolunt, moly, quoniam quandam cum moly seruet similitu-
dinem: radice nigra, flore candido. In collibus, & latè solo prouenit.

K 3 INVEA

Rute sylue-
stris alterius
consideratio.

IN VENIVNTVR ex Græcis codicibus Dioscoridis, item ex Latinis illorum fidem ad unguem secutis, qui vel maximo librariorum lapsu, vel potius eorum temeritate, qui nimis scioli uideri uolunt, plura de hac altera sylvestri Rute in capitib[us] fronte scripta ostendunt, quæ doctissimorum quorunq[ue] consensu adiecta sunt, & hyperico legitime debentur. Hac depravata, imo addititia lectione decepti quidam rerum, literarumq[ue] parum gnari, turpiter aberarunt, certò credentes sylvestrem hanc Rutam ab hyperico nihil differre. Quorum error simul deprehensus est, atque Dioscoridis lectio restinta à peritisimis viris, qui rei discrimen exactissime nouerunt, & uetusissima Græca exemplaria consuluerunt, in quibus nihil tali offenderunt. quemadmodum neq[ue] id sece offert lectionandum in Oribasij codice manu scripto, herbarum descriptiones Dioſcoridi acceptas refrente. Quo fit, ut nullus amplius superstet ambiguendi locus, quin ea ascititia sint, & ex hyperico, cuius propria sunt, hic perperam repetita. Sed hæc iam missa faciamus, & constituamus duplēcēm esse sylvestris Rute speciem: unam domesticæ similem, de qua diximus in precedenti capite: alteram uero, de qua nunc agimus, quam quidam Harmalam uocant. Hanc, ut ingenuè fatear, haec tenus non uidi: non desunt tamen, qui eam demonstrare promittant in Italia, ac etiam iam ostendatur (ut audio) in publico horto Patavij. Quod non equidem negauerim, tametsi fuerit hæc peculiaris Cappadocie, & Galatiae planata. Aphri corrupta à Græcis appellatione Harmel pro Harmala dicunt. Verum enim uero grauissimo errore ducentur seplastarij, qui Luminis apothecariorum scripta secuti, huius Rute, sive Harmel loco, factis, & aggregatiis dictis catapotis, alijsq[ue] compositis medicamentis cicutæ semen admiscent. Quod non solum suis tum qualitatibus, tum facultatibus Harmale omnino repugnat; sed etiam uenenum lethale existit. Errandi causam præbuit Qui ricus Augustus Tortonensis: quandoquidem is, ubi in conficiendis factis catapotis, quid sit Harmel explanare contendit, ait Sylvatici Pandectarum authoris testimonio, quod quotiescumq[ue] reperitur Harmel cum aspiratione nil aliud apud Arabes designat, quam semen cicutæ: sine uero afflatu, Rute sylvestris semen. Quod euident, ac execrandum est mendacium: siquidem Harmel tam afflatum, quam nudum scriptum Mauritanis perpetuo agrestem Rutam significat, ut Serapionis, & Auicenne auctoritate facile probari potest suis in libris, in quibus simplicium historias, et facultates posteritatis memoriæ prodiderunt. Nam que illi de Harmel scripserunt, Dioscoridi, & Galeno Rutam hanc descendentibus prorsus adspicuntur. Cæterum Auicenna ipsius Harmel etiam meminit libro quarto sui Canonis, ubi uiperarum morsus curationem tradens, sic inquit. Ruta sylvestris (& non est alharmel, secundum quod existimauerunt quidam, imo est species rute ipsius) confert morsibus uiperarum. hæc ille. Sed ne forte quis Auicennam non recte intelligens, in his uerbis decipiatur, ut suis in Paradoxis Fuchsium, uirum alioqui expertissimum, in Auicennam acriter agentem, deceptum fuisse deprehendimus, ut qui illum, ut puto, minus intellexerit, sciendum profecto est (quemadmodum etiam antea aliquoties retulimus, & nunc, quoniam ad rem faciat, id ipsum repetere non alienum erit) quod non eiusdem utiq[ue] generis est sylvestris Ruta, de qua una cum domesticâ superius tradidit Dioscorides, & hæc, quam Græcorum quidam Harmalam, Mauritanu uero Harmel, sive Alharmel appellant. Ex hac omnibus perspicua Rute sylvestris distinctione, quantum equidem reor, liquido patebit, Auicennam hauquaque errasse, ut errorem immerito illi iniungit Fuchsius. Quippe cum inquit Auicenna, Ruta sylvestris (& non est alharmel, secundum quod existimauerunt quidam, imo est species rute ipsius) confert morsibus uiperarum, ijs uerbis declarat se illam hic sylvestrem Rutam intelligere, quæ domesticam emulatur: non autem illam, de qua hoc loco differit Dioscorides, quamq[ue] sive Arabicæ familiae authores Harmel, sive Alharmel uocant. Eius tamen loco citato, paulo ante meminerat, sic inquiens. Et alharmel est de medicinis liber antibus. Vbi per Alharmel eam sane Rutam sylvestrem intelligit, de qua presens sermo est. ob cuius differentiam, postea alterius Rute sylvestris mentionem faciens, subiungit illa uerba, quæ iam bis citavimus. Ut hinc palam faceret, se non modo de alio sylvestris Rute genere intellexisse; sed etiam occurrisse, ne quis, si sine distinctione locutus esset, se idem frustâ repetiisse calumnietur. Porro non desunt qui sustinere contendat, 40 Harmel esse Cicutam, Auerroem in medium adducentes, quem lib. v. suarum collectanearum ita scriptum reliquise uolunt. Harmel, id est Cicta, calida est, & sicca in tertio gradu, incidit crassos humores, & prouocat urinam, & menses, & ualent dolori scapularum, & purgat phlegma. Hac isti nituntur auctoritate. Quibus ita facile responderi potest, quod cum Cicta hoc loco eas Auerroes tribuat facultates, quas etiam Harmala, nomine tamen Moly, reddidit Galenus, manifeste deprehenditur Auerrois codex librarij incuria fuisse depravatus. Neq[ue] difficilis lapsus fuit, quod ijs uocum similitudine decepti Cicutam pro Rute legerint, ac scripserint. Adde etiam illud (hoc enim medicorum neminem latet) quod tantum abest, ut Cicta tertium caliditatis gradum obtinet, cui illam assignat depravata Auerrois lectio, ut ne primum quidem attingat, cum Dioscoridis, & Galeni testimonio, in quarto frigiditatis orline collectetur: ob idq[ue] eam lethale uenenum esse affirmat. Quapropter quam pessime agatur ab ijs, qui Cicta brimandū semen ijs compositis medicamentis addunt, quorum usus est ad deiiciendos, incidentos, extenuandosq[ue] lntos humores, ijs dijudicent, qui ueritatis studio dediti huiusmodi cauillationes, quæ s[ecundu]m hominibus perniciem parunt, tolerare non possunt. Rutam hanc sylvestrem appellat Galenus Moly lib. viii. simplicium medicamentorum, ubi de ea disserit his uerbis. Moly, hoc quidam uocant peganon agrion, hoc est, Rutam sylvestrem, nonnulli harmoloi, Syri besan, sicut Cappadoces moly, quia radicem habeat nigrum, & florē lacteum. Vis eius tenuissima est parum, & calida tertio abscessu: unde crassos humores fecat, ac digerit, & urinam mouet. Hæc Galenus de altero Rute sylvestris genere. Cui constat & primum sylvestris Rute genus per pulchritudinem respondere. Ex quo crediderim, quod sine ullo errore seplastarij alteram alterius loco subiucere possint, quoties Aratum harmel in suis compositis medicamentis ascendunt reperiunt. Est & alia Rute species, quæ recentioribus quibusdam CAPRARIA cognovinatur, quibusdam uero Galega dicitur, nostrates eam vulgo appellant Lauanese. Passim hæc in scrobium eggeritis, humenibusq[ue] locis prouenit, sceno græco persimilis. Magnificiunt ipsam nonnulli suis experimentis nixi non modo aduersus pestilentiam, & lethalia medicamenta; uerum etiam contra ferarum omnium, quæ dentibus, aut aculeo enemum emitunt, tum

Rute sylue-
stris alterius
uires ex Gal.

Rute capra-
rize mentio, &
uires.

tum morsus, tum ictus: in quem usum herbam uel eius succum bibendum prebent, ac etiam emplastri modo vulneratis partibus imponunt. Laudant aliqui succum sesquiuncie pondere haustum pueris comitali morbo uexatis. Ceterum apertissime falluntur, qui putant Rutan hanc caprariam dictam Polemonianam esse, ut latius libro quarto suo loco dicemus. Que planta τῷ γαρ οὐ γένεται Graece, Ruta sylvestris Latinè dicitur: Arabicè, Harmel: Italicè, Ruta saluatica.

Nomina.

MOLY.

CAP. XLVII.

MOLY folia habet graminis, latiora, humi sparsa: florem albæ violæ similem, sed minorem, magnitudine violæ purpureæ exulum, lactei coloris: caulem candidum, quaternum cubitorum: in cuius cacumine inest aliquid, quod allij speciem referat. Radix parua, bulbosa. quæ mirum in modum valet ad vuluæ apertiones, si trita cum irino vnguento, in pessu subiiciatur.

MOLY, ut scriptum reliquit Theophrastus libro ix. cap. x. de plantarum historia, apud Pheneum exit, atque apud Cyllenam esse (quemadmodum Homerus dixit) affirmant: radice rotunda, non absimili cepæ, folio scillæ. Vsum eius contra ueneficia summa: non tamen effodi difficulter, ut ait Homerus. Moly quoque meminit Plinius lib. x x v. cap. IIII. ita scribens. Laudatissima herbarum est, Homero teste, quam uocari à diis putant Moly. Ait inuentionem eius Mercurio assignat, contraq; summa ueneficia demonstrat. Nasci eam hodie circa Pheneum, & in Cyllene Arcadiæ tradunt, specie illa Homerica, radice rotunda, nigraq; , magnitudine cepæ, folio scillæ: effodi autem difficulter. Græci autores folium eius luteum pinxere, cum Homerus candidum scripsit. Inueni è peritis herbarium medicis, qui & in Italia nasci eam dicerent, afferriq; Campania mihi aliquot diebus effossem inter difficultates saxeas, radicis triginta pedes longæ, ac ne sic quidem solidae, sed abruptæ. hæc Plinius. Ex cuius sane uerbis facile cognosci potest, Moly ab eo secundo loco redditum, quod in Campania effossum, & sibi allatum scribit, ab illo plurimum dissidere, quod Homerus, & Dioscorides notis non planè consentientibus repræsentarunt. Moly, cui Dioscoridis delineatio respondeat, hactenus in Italia reperire non potui, neq; ab alijs inibi repertum, aut aliunde aduectum scio. Ceterum herbam Moly Dioscoridi appellatam, candem nimirum esse putauerim cum illa, que Galeno lib. VI. simpl. medic. Myle uocatur, cum inquit. Myles radix paruo bulbo similis est, facultatis contrabensis. nam cum farina erina, (hoc est loli) apposita apertam uuliam sanare scribit Dioscorides. His uerbis Galenus non solum quidem Mylen suam Dioscoridis Moly acceptam refert; sed etiam nos commonet mendi cuiusdæ, quod bucusq; latuit in codicibus Græcis Dioscoridis. Quippe quod ubi in huius capitinis calce legitur μετὰ σπέρνον μένον, quod est, cum irino unguento, Galeni testimonio, legendum sit μετὰ αὐγῆν ἀλλίου, id est, cum farina loliacea. Et certe in id uitium facile librarij quædam scripturarum uicinitate labi potuerunt. Sed addamus rationem, qua vulgaris lectio depravata manifeste deprehendetur.

Moly histor.
ex Theophr.
& Plinio.

Moly vires
ex Galeno.

Dioscoridis,
locus castiga-
tus.

Nomina.

PANACES HERACLEVM.

Nam si unguentum irinum efficaciter aperit, non video quid Moly radice cum eo prestare posse τῷ γαρ οὐ γένεται, hoc est, ad uulue apertiones. Sic enim ex Greco rectius reddendum puto, quam ad aperiendas uulias, ut uerterunt Marcellus & Ruelius. qui tamen secus facere non poterant, si unguenti irini rationem habere uolebant. Id μῶλυ Græci dicunt, quod Latinum est Moly.

CAP. XLVIII.

PANACES nonnullis Heracleum dicitur: ex quo opopanax colligi solet. Plurimum in Bœotia, & in Phocide Arcadiæ nascitur: ibique compendij, & quæstus, qui ex eo liquore factitatur, gratia, studiosè colitur. Folijs est asperis, in terra iacentibus, herbacei coloris, multum ad fuculnea accendentibus, in ambitu quinquepartito diuisis: caule, vt ferulae, altissimo, qui lanugine quadam incanescit, folijs etiam minutioribus oblitus: muscarijs, ceu anethi, in cacumine: flore luteo, & semine odorato, feruenteque. Radices habet multas ab origine una, candidas, graueolentes, crassi corticis, & subamari gustus. Nascitur in Cyrene Libyæ, & Macedonia. Excipitur succus incisa radice, recenti caulinum pullulatu. Ea candidum succum emittit, qui siccatus in summa cuate croceum colorem contrahit. Effluentem autem succum excipiunt, folijs excavato solo stratis, quæ siccata tolluntur. Simili modo caule messibus inciso, profluente siccum eximunt. Meliores ex radicibus, albæ, rigentes, distentæque,



stentæque, siccæ, quæ cariem non sentiant, aromaticæ, feruentes gustu. Fructus ex media ferula cibo idoneus est: sed ex agnatis stolonibus, ab usi cibario abhorret. Maximè in hoc succi genere probatur, quæ amarissimus, internè albus, aut subfuluis, foris ad croci colorem inclinans, lœuis, pinguis, friabilis, tener, statim in aqua eliquescens, graui odore. Niger improbat, ac mollis. Adulteratur ammoniaco, aut cera. Sed syncreti experimentum est, si digitis in aqua friatus resoluatur, & laetefcat.

Excalfacit, mollit, extenuat: horribus febrium, circuitibusque, vulnis, ruptis, laterum dolori, tor minibus, stillicidio vrinæ conuenit. Contra vesicæ scabiem ex aqua mulsa, aut vino bibitur: menses trahit, fœtum enecat. Inflationes, quæ uuluam male habent, duritasque, ex melle dilutus, discutit: ischiadicis illinitur. acopis, & capitis medicaminibus admiscetur: carbunculos rumpit. Podagrīcis, cum sua passa illitus subuenit: dolore dentium liberat, cauis inditus: oculorum aciem illitu excitat. Ex eo, & pice optimum fit emplastrum contra bestiarum morsus, quæ in rabiem efferantur. Radix in ramenta consicca, vuluæ admota, partus extrahit: ad vetera vlcera efficax est. nudata ossa corpore operit, si trita cum melle illinatur. Semen cum absinthio sumptum, menses pellit: cum aristolochia, prodest aduersus animalia, quæ venenum eiacylantur: & contra vuluæ strangulatus in vino bibitur.

PANACES ASCLEPIVUM.

CAP. XLIX.



Panacis confederatio.

Mes. lapis. et si adulterate frequentior sit usus apud eos, qui ex quævis herba manipulos colligunt. In Panacis historia aperi- tissime aberrauit Mesues: quippe qui initio capit is omnia eius genera confundat. Quod omnibus iam notius est, quæ ut à nobis ostendi debeat. Panaces Asclepium nuper uidimus, eiusq; effigiem hic appinximus. Sed Chironium non prouenit, quod sciām, in Italia. Quanquam non desunt, qui pro Chironio panace ostendant plantam, que folium ha- bet oblongum, hyssopi ferē modo: florem pentaphylli, sed maiorem, aureo tamē colore: surculos numerosos, tenues, lignososq;: radicem item lignosam, rufescētem, gustu adstringentem. Verū quod Dioscorides panaci Chironio tri- buerit folia amaraco similia, & radicem gustu acrem, non video quomodo ingenuè possum eorum sententia subscribere. Panacis genera ab inuentoribus cognominari tradunt. nempe Asclepium ab Aesculapio, Chironium à Chirone, & Heracleum ab Hercule: quare & Herculeum à plerisq; est appellatum, cuius tantum lacryma hoc tempore officinæ utuntur. Semen enim, ac radix, et si in pluribus ualeant affectibus; ad nos tamen, quod uiderim, non adseruntur. In quorum defectu optimi chirurgi, cum denudata ossa carne explore uolunt, radicum segmenta, que lacrymæ compa- etia reperiuntur, quæque illa sint, non paruo labore seligunt, & ad hunc usum in puluerem redigunt. Panacis ui- res descripsit Galenus libro VIII. simplicium medicamentorum, his uerbis. Panaces Heracelum, inquit, ex hoc fit uocatus Opopanax, radicibus eius, & caulibus excisis. Porro opopanax ipse longè est ad plurimos usus aptissimus, utpote excalfaciens, emolliens, & digerens: ponatq; ipsum quispiam in calfaciendo tertij ordinis, in desiccando uero secundi.

Panacis uires
ex Galeno, &
Mesue.

PANACES Asclepij caulem à solo emittit tenuem, cubitalem, geniculatum: circa quem folia funduntur fœniculo similia, maiora tamen, & hirsutiora, odorata: in cacumine umbella, vbi flores emicant aurei, acris gustus, & odorati. radix parua est, & tenuis. Auxiliarem vim habent flores, & semina, contra vlcera, phagedenas, & tubercula, si trita cum melle imponantur. aduersus serpentes ex vino bibuntur, & cum oleo illinuntur. Aliqui panaces sylvestre origanum vocant, alij cunilam, de qua in origani mentione diximus.

PANACES CHIRONIUM.

C A P. L.

PANACES Chironium in Pelio monte maximè prouenit. folium eius amaraco simile: flos aureus: radix parua, quæ non altè demittitur, gustu acris. Poterat radix serpentium veneno resistit. Illita coma, eadem præstat.

PANACES Heracleum in Apulia frequens nascitur, quemadmodum in Apennini iugis, & in Argentario promontorio in nostris maritimis Senensisibus. Habetur & in quam plurimis Italie uiridarijs, ubi summa diligentia colitur ab his, qui simplicium medicamentorum studioſi, ad suum alitorumq; commodum innumeræ plantarum genera suis in hortis, ac uiridarijs serunt, ac colunt. Verū non ob id affirmauerim, eius lacrymam, quam officinæ Opoponacum uocant, excipi in Italia. Nam quæ Venetijs uenialis reperitur, ex Alexandria Aegypti conuehitur. Legitima nō defit,

In Lib. tertium Dioscoridis. 393

secundi. Cortex radicis exiccatorium simul, & excalfactorium est medicamentum: sed minus quam succus. quin & nonnullam habet abstergendi facultatem. Quare eo quoq; utimur & ad ossa denudata, et ad ulceram malignam, & consumaciam. Sufficienter enim talia carnem procreant, scilicet abstergendo simul, & desiccando, nec ita magnopere calfactendo: quæ omnia ad carnem generandam necessaria sunt, uelut in libris de curandi ratione ostendimus. Fru-
etus calidus & ipse est, ac mensibus mouendis medicamen accommodum. Cæterum nescio, quo pacto nunc ferè omnes ex more non panaces, sed panacea herbam hanc uocent. Panaces autem Asclepium minus est calidum suprà dicto pa-
nace: quanobrem eo, & floribus eius, & semine mellis mixtis ad ulceram, phymata, & phagedenias utuntur. Pana-
ces uero Chironium & ipsum similem predicto facultatem possidet. hæc Galenus. Porro deinceps Panacis lacryma
(ut author est Mesues) à remotis corporis partibus, præsertimq; ab articulorum compaginibus, lentam, crassam, con-
tumacemq; pituitam. Cerebrum, & neruos expurgat, præcipue cum frigidis torquentur morbis. τῶν ανθρώπων οὐδε-
καλον sic Græcis, ut etiam Latinis Panaces Heracleum, nominatur: Arabibus, Steusfr, Ieusfr, siue Giausfr: Italis,
Panace Heraleo. Huius gummi Græcis ὄποιαν τάχει dicitur: Latinis item Opopanax: Italis, Opoponaco: Hispa-
nis, Opoponaque. τῶν ανθρώπων οὐδεκαλον sic Græce uocatur, ut Latine similiter Panaces Asclepium: Ara-
bicæ, Panax Aschilibet: Italicæ, Panace Asclepio. τῶν ανθρώπων οὐδεκαλον ita Græcis, Latinis pariter Pana-
ces Chironium appellatur: Mauritanis, Panax caromon: Italis, Panace Chironio.

Nomina.

ΛΙΓΥΣΙΚΩΝ. LIGVSTICVM.

CAP. L I.



L I G V S T I C V M , quod alij panaceam , alij panaces uocant , plurimum in Liguria nascitur , in monte Apennino Alpibus contermino : vnde nomen traxit . Panaces incolæ non ab re appellant , quoniam & radice , & caule Heracleotico panaci simile sit , & uiribus eisdē præditum . Gignitur in altissimis , asperisque montibus , ac vmbrosis , maximè iuxta fluenta . Cauliculum fert anethi , geniculatum , tenuem , & in circuitu folia fertulae Campanæ , molliora , odorata , prope uerticem graciliora , & longè magis diuisa : in cacumine muscarium , in quo semen dependet nigrum , solidum , & oblongum , fœniculo proximum , gustanti acre , & aroma olens : radix candida , Heracleotici panacis similis , odorata . Radicis , seminisque uis excalsatoria , concoquens . Prodest ad intestinos dolores , tumores , concoctiones : item ad inflationes , præsertim quibus stomachus turget : & contra serpentium iætus : vrinas , & menses potu trahit . Eosdem præstat effectus apposita radix . Semen cum radice oxyporis , & medicamentis decoquenteribus admiscetur . ori perquam utile : quare pro pipere utuntur eo indigenæ ad obsonia . Adulteratur semine quodam simili : quod facile gustu discernitur : amarum enim est . Alij semen fœniculi , aut seselis admiscentes , ligusticum dolo uitiant .

F A L V N T V R aperte, ut mea quidem fert opinio, qui In Ligustico
herbam uulgò hodie Leuisticum nominatam, quam legitimum hip- quorundam
poselimum censemus, putant esse Ligusticum hic à Dioscoride re- error.
trye sentatum, quod Galenus unius littere mutatione, Iibysticum.

appellauit. Siquidem hoc caule assurgit tenui, & folijs fertu^e Campane similibus. Illud uero caule profert altum, crassum, concavum, & geniculatum: folia apij palustris emula, maiora tamen, ac etiam crassiora. Ceterum quan-
uis legitimum, ac uerum Ligusticum in Liguria, cuius Genua metropolis est, unde etiam nomen inuenit, frequentissi-
mum proueniat, siq^z iub^e adeo vulgaris notitiae, ut eius semine pa^zsim utantur incolae in ciborum condimentis; non ob
id tamen per cetera Italia loca hactenus, quod sciam, deferri coepit. Nascitur in Ananienibus montibus, quin et
in Goritiensibus. Venetijs etiam uideri potest in horto Maphei medici clarissimi. Galenus de Libystico differens li-
bro vii. simplicium medicamentorum, sic breuiter inquit. Libystici radix, & semen ex genere excalcentiū sunt,
adeo ut menses cieant, & urinas prouocent, flatusq^z discutiant. Quod Greki λιγυστόν, Latini similiter Ligusti-
cum, & Libysticum dicunt: Itali, Ligustico.

In Ligustico
quorundam
ERRR.

Libyftici ui-
res ex Gal.

Nomina.

Σταχυλίνες. PASTINACA.

CAF. LII.

PASTINACA sylvestris folia gingidij habet, latiora, subamara: caulem rectum, scabrum: umbellam similem anethi: in qua flores infunt candidi, & in medio purpureum quiddam, ferme croceum. radix digitis crassitudine, dodrantalis, odorata, quæ cocta manditur. Semen potum, vel impositum, menstrua